

Szene 6 nach Macarena

Stimme (Shayna)

Sound Fantastisch gspilt, Welpensilber1909. Du hesch onglablechi 13'867 Pönkt of dim Konto. Am beste, du spelsch grad wiiter s nöchschte Level, zom im Flow z bliibe! Willkommen im Level BG201.X. *Sound*

Sound Bi der, Buecherworm37, bruuchts leider no chli me Koordination. Demet du s nöchschte Level chasch starte, muesch das Spel nomol mache. Oder du ladsch ganz einfach öpper nöis zo MMOG ii.

Leila Siuuu - das esch voll Gommode

Malin Hey, chönntsich mol weder dütsch rede met mer!

Leila Seg jetzt doch ned so cringe. Das Spel esch de Wahnsinn!

Malin För dech vielleicht.

Leila Hey, nor, wells der bi däm Spel ned glängt het met de Loots muesch jetz ämel ned ufgäh. Mäld doch eifach dini ander Schwöster no a ond de chömmer morn zäme wiiterspele.

Malin Ech muess jetzt hei. Mer gsähnd üs morn.

Leila Mhm. *schon wieder im MMOG vertieft*

Malin tschüss. *Geht ab, da keine Reaktion von Leila kommt*

Leila Wow, das Level bütet grad 20 Spel a. Das esch de Hammer! Hm, ech glaub ech probiere mol das do us.

Folie mit Uhr und steigenden Zahlen. Aufbau Pizza.

Weiter auf Rückseite:

Malin Hoi Leila. Wie gsehsch du denn us? Wie nen Zombie.

Leila Ah, das meinsch. Ech ha ned so vel gschlofe die letschte Täg. Hey im Fall, MMOG...

Malin Säg ned, dass du die ganzi Ziiit nor no MMOG gspilt hesch?

Leila Nääääi ! I de Schuel beni au gsi...

Malin Aber susch hani dech überhaupt nömme gseh...

Leila Hey, im Fall, ich ha grad welle es mega cools Spel starte.

Malin Das hesch no bi jedem Spel gsäit.

Leila Das stimmt jo au. Of jede Fall, chasch i däm Spel en Pizza mache. Alles nor of em Handy.

Malin Ond för was söll das guet si?

Leila Was tuesch so negativ? Ich ha scho lang mol welle mini eigeti Pizza mache.

Malin Das chönnted mer au zäme mache, bi üs dehei i de Chochi. In ächt!

Leila Jo, scho. Aber döt gets käi Loots z gwönne!!

Malin Ou, ech cha gar ned mitspile, ech ha mini Brölle ned debi

Leila zückt eine aus ihrer Tasche

Malin Aber d Englischstond foht i 10 Minute a ond ech ha no chorz welle för d Präfig repetiere!

Leila Ond «Go»! (*Über das Intro*) Oh wow, das werde de Hammer, das cha der jetz scho säge!